

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski Načelnik

Broj:02/12-49-6124/18
Sarajevo, 19.04.2018. godine

Na osnovu člana 70. stav 1. i 3. Zakona o javnim nabavkama ("Službeni glasnik", br. 39/14), te člana 14. Pravilnika o nabavci roba, uvršenju usluga i ustupanju radova br. 09-05-26263/15 od 27.11.2015. godine, u predmetu javne nabavke usluge registracije i tehničkog pregleda vozila za potrebe Općine Novi Grad Sarajevo, (Konkurentski postupak objavljen na portalu javnih nabavki, broj 422-7-2-49-3-24/18 od 16.03.2018 godine), na preporuku Komisije za javne nabavke roba i usluga od 16.04.2018.g., Općinski načelnik donosi

ODLUKU

1. Prihvata se ponuda ponuđača ASA ASSISTANCE d.o.o Sarajevo sa najnižom cijenom tehnički prihvatljive ponude sa ponuđenom cijenom u iznosu 6.660,26 KM sa PDV – om u predmetu javne nabavke - usluge registracije i tehničkog pregleda vozila za potrebe Općine Novi Grad Sarajevo, (konkurentski postupak objavljen na portalu javnih nabavki, broj 422-7-2-49-3-24/18 od 16.03.2018 godine).
2. Zadužuje se Služba za zajedničke poslove, da obavjesti učesnike u konkurentskom postupku o donošenju Odluke o rezultatima okončanog postupka javne nabavke i izboru najpovoljnijeg ponuđača i da zaključi ugovor po konačnosti iste.
3. Protiv ove Odluke dozvoljena je žalba u roku od 5 dana od dana prijema iste, a koja odlaže izvršenje.

O b r a z l o ž e n j e

Postupak javne nabavke – usluge registracije i tehničkog pregleda vozila za potrebe Općine Novi Grad Sarajevo, pokrenut je na osnovu Odluke o pokretanju postupka javne nabavke u skladu sa članom 18. stav 1. Zakona o javnim nabavkama ("Službeni glasnik" br. 39/14), putem konkurentskog postupka, objavljenog na portalu javne nabavke, broj obavještenja 422-7-2-49-3-24/18 od 16.03.2018 godine.

Zapisnikom sa otvaranja ponuda od 28.03.2018. godine, konstatovano je da su pristigle četiri ponude i to ponuda:

1. CENTROTRANS EUROLINES DD SARAJEVO sa ponuđenom cijenom u iznosu 7.841,51 KM sa PDV-om
2. ASA ASSISTANCE DOO SARAJEVO sa ponuđenom cijenom u iznosu 6.660,26 KM sa PDV-om.
3. AUTODELTA DOO SARAJEVO sa ponuđenom cijenom u iznosu 9.094,14 KM sa PDV-om
4. AUTOCENTAR BIH DOO SARAJEVO sa ponuđenom cijenom u iznosu 6.564,17KM sa PDV-om

U postupku analize ponuda, Komisija je detaljnom analizom dokumentacije kojom su ponuđači dokazali svoje kvalifikacije za učešće u ovom postupku utvrdila da ponude ponuđača CENTROTRANS EUROLINES DD SARAJEVO, ASA ASSISTANCE DOO Sarajevo i AUTODELTA DOO SARAJEVO, ispunjavaju uslove specificirane tenderskom dokumentacijom.

Ponuda ponuđača AUTOCENTAR BIH DOO SARAJEVO, ne ispunjava uslove specificirane u tenderskoj dokumentaciji pod tačkom 2.3.2.1.a) u vezi sa tačkom 3.2.1.6. „Lista izvršenih ugovora ponuđača koji su realizvani u posljednje tri godine sa vrijednostima, datumima i primiocima usluga kao dokaz da je dobavljač uspješno izvršio ugovore koji za predmet imaju ovakav ili sličan predmet nabavke zbirne vrijednosti najmanje 15.000,00 KM sa PDV-om .Uz spisak izvršenih ugovora ponuđač je dužan dostaviti potvrde za ugovore koji za predmet ugovora imaju ovakav ili sličan predmet nabavke zbirne vrijednosti najmanje 15.000,00KM sa PDV-om koju je izdala ugovorna strana a koja obavezno sadrži: **naziv i sjedište ugovornih strana, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima “**

Uvidom u dostavljenu dokumentaciju ponuđača, konstatovano je da sadržaj dostavljenih potvrda ne odgovara zahtjevu iz tenderske dokumentacije odnosno nije navedeno vremenski period realizacije ugovora. Nadalje, listovi ponude nisu numerisani kako je navedeno tačkom 3.1.4. tenderske dokumentacije, "sve strane ponude moraju biti numerisane na način da je vidljiv redni broj stranice ili lista". Uvidom u ponudu, utvrđeno je da je numerisan dio dostavljene dokumentacije zaključno sa brojem 12., dok dio dokumentacije (potvrde o realizaciji ugovora i aktuelni opis u sudski registar) nije numerisan.

Na osnovu navedenog a u skladu sa članom 68. Zakona a u vezi sa tačkom 3.3.1 tenderske dokumentacije, ponuda ponuđača AUTOCENTAR BIH DOO SARAJEVO je odbačena kao neprihvatljiva.

Komisija je izvršila računsku kontrolu ponuda; CENTROTRANS EUROLINES DD SARAJEVO, ASA ASSISTANCE DOO Sarajevo i AUTODELTA DOO SARAJEVO i konstatovala da su iste računski ispravne.

Obzirom da se radi o konkurentskom postupku, objavljenom na portalu javnih nabavki broj obavještenja broj 422-7-2-49-3-24/18 od 16.03.2018 godine, da su upućena tri pozivna pisma, da su pristigle četiri ponude od kojih tri ispunjavaju kvalifikacione uslove, te primijenom kriterija «najniža cijena tehnički prihvatljive ponude», a shodno članu 64. stav 1. tačka b) Zakona o javnim nabavkama, odlučeno je kao u dispozitivu Odluke.

Pouka o pravnom lijeku:

Protiv ove Odluke dozvoljena je žalba u roku od 5 dana po prijemu iste, Uredu za razmatranje žalbi Mostar, putem ovog organa, u pisanoj formi, direktno na protokol ugovornog organa, elektronskim putem ili preporučenom pošiljkom.

DOSTAVITI:

1. Služba za zajedničke poslove
2. U spis



Općinski načelnik

mr Semir Efendić